

WILLIAMS, BENJAMIN ('Gwynionydd'; 1821 - 1891), clerigwr ac awdur

Enw: Benjamin Williams

Ffugenw: Gwynionydd

Dyddiad geni: 1821

Dyddiad marw: 1891

Plentyn: Ivor Pryse Williams

Rhyw: Gwryw

Galwedigaeth: clerigwr ac awdur

Maes gweithgaredd: Crefydd; Llenyddiaeth ac Ysgrifennu; Barddoniaeth

Awdur: William Llewelyn Davies

Ganwyd 24 Mehefin 1821 yn Seilach, plwyf Penbryn, Sir Aberteifi; yr oedd yn gefnder i [D. Silvan Evans](#). Annibynnwr oedd ar y cychwyn, eithr ymunodd â'r Eglwys; cafodd gymorth i dderbyn addysg yn Abergwaun, a bu'n feistr un o ysgolion [Madam Bevan](#). Ordeiniwyd ef yn ddiakon yn 1874 a daeth yn gurad i'w hen noddwr, D. H. Davies, offeiriad Troedyrac ac wedyn yn Nhir-yr-abad; yn ddiweddarach cafodd fywoliaeth Llanofor, sir Fynwy, Cyhoeddodd ddwy gyfrol o farddoniaeth sef (*a*) *Caniadau* (Aberystwyth, 1867), a (*b*) *Briallen Glan Ceri* (Caerfyrddin, 1873), traethawd byr ar [Lewis Glyn Cothi](#) (Caerfyrddin, 1866), *Enwogion Ceredigion* (Caerfyrddin, 1869), gwaith sy'n parhau i fod yn ddefnyddiol. Enillodd wobrau am ' Hanes Castell-Emlyn ' (gweler *Cyfansoddiadau Buddugol yn Eisteddfod Castellnewydd-Emlyn*, 1860), ac yn eisteddfod Aberystwyth, 1865, am draethawd ar draddodiadau Sir Aberteifi. Ysgrifennai i *Archaeologia Cambrensis*, *Yr Haul*, *Y Brython*. Bu farw 7 Rhagfyr 1891.

Awdur

Syr William Llewelyn Davies, (1887 - 1952)

Ffynonellau

T. R. Roberts, *Eminent Welshmen: a short biographical dictionary of Welshmen... from the earliest times to the present* (1908), a'r ffynonellau a enwir yno

Dolenni Ychwanegol

Wikidata: [Q28361508](https://www.wikidata.org/wiki/Q28361508)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

